

vīcēsimus -a -um  
= xx (20.)



cūnae

parvulus -a -um = parvus  
fārī = loquī  
īnfāns -antis *m/f*  
cūnae -ārum *f/pl*

somnus -ī *m*

necessārius -a -um  
< necesse  
carēre + *abl*: cibō *c.*  
= sine cibō esse  
postulāre = poscere  
vāgire = 'vā' facere,  
plōrāre (ut īfāns)

lac lactis *n*

alere (infantem) = cibum  
dare (infanti)  
sī-ve = vel sī

mulier -eris *f* = fēmina

aliēnus -a -um = nōn  
suus, alterius  
nūtrīx -īcis *f*

nōlunt (< ne-volunt)  
= nōn volunt



## PARENTES

Puerī parvulī quī nōndum fārī possunt īfantēs dicuntur. Parvulus īfāns in cūnīs cubāre solet. Cūnae sunt lectulus īfantis. Īfāns multās hōrās dormit nōn sōlum nocte, sed etiam diē; nam longus somnus īfantū tam necessārius est quam cibus. Īfāns neque somnō neque 5 cibō carēre potest. Quōmodo īfāns, quī fārī nōn potest, cibum postulat? Īfāns quī cibō caret magnā vōce vāgit. Ita parvulus īfāns cibum postulat. Tum māter accurrit atque īfantem ad pectus suum appōnit. Īfāns lac mātris bibit. Parvulus īfāns, cui dentēs nūllī sunt, nōn 10 pāne, sed lacte vīvit.

Sī māter īfantem suum ipsa alere nōn potest sīve nōn vult, īfāns ab aliā muliere alitur, quae eī in locō mātris est. Mulier quae aliēnum īfantem alit nūtrīx vocātur. Multī īfantēs Rōmānī nōn ā mātribus suīs, 15 sed ā nūtrīcibus aluntur. Multae mātrēs īfantēs suōs ipsae alere nōlunt.

Ante quīnque annōs Iūlia parvula īfāns erat. Tunc  
 īfantem in cūnīs habēbat Aemilia. Nunc ea parvulō  
 20 īfante caret: cūnae vacuae sunt.

Sed post paucōs mēnsēs novus īfāns in cūnīs erit.  
 Aemilia rūrsus parvulum īfantem habēbit neque cūnae  
 vacuae erunt. Tum Iūlius et Aemilia quattuor liberōs  
 habēbunt. Aemilia laeta cūnās movēbit et parvā vōce  
 25 cantābit: "Lalla". Pater īfantem suum in manibus por-  
 tābit eumque nōn minus amābit quam māter. Pater et  
 māter īfantem suum aequē amābunt.

Annō post pater et māter ab īfante suō appellābun-  
 tur. Aemilia autem 'mamma' appellābitur, nōn 'māter',  
 30 neque Iūlius 'pater', sed 'tata' appellābitur; neque enim  
 īfāns ipsa nōmina 'patris' et 'mātris' dīcere poterit.  
 īfāns igitur parentibus suīs dīcet: "Mamma! Tata!"  
 Neque sōlum prīma verba, sed etiam prīmōs gradūs  
 faciet īfāns. Initiō pater eum sustinēbit ac manū dūcet,  
 35 mox vērō īfāns sōlus ambulāre incipiet neque ā paren-  
 tibus sustinēbitur neque manū dūcētur. īfāns ambu-  
 lāns ā parentibus laetīs laudābitur. Simul īfāns plūra  
 verba discet et mox rēctē loquī sciet.

Utra īfantem Aemiliae alet, māterne an nūtrīx? ī-  
 40 fāns ā mātre alētur. Aemilia ipsa īfantem vägientem ad  
 pectus suum appōnet. īfāns lac mātris bibet, nōn nū-  
 trīcis. Tum māter īfantem in cūnās impōnet. Vesperi  
 duae ancillae cūnās in cubiculum parentum portābunt  
 atque ante lectum eōrum ponent. Sī īfāns bene dor-



pot-erit

gradus -üs m

mox = brevī tempore  
post

prīmī gradūs īfantis

vesperi (adv) ↔ māne

col-loquī (< cum + lo-quī) = inter sē loquī

futūrus -a -um: (tempus)  
futūrum ↔ praeteritum  
sermō -ōnis m = id quod dīcitur, verba

(ego) volō, (tū) vīs,  
(is) vult  
nōlō (< ne-volō) = nōn  
volō

filiola -ae f = parva  
filia

profectō = certē

nēmō, acc nēminem  
magis ↔ minus

rārō (adv) ↔ saepe  
velle: volō volumus  
vīs vultis  
vult volunt  
adversus prp + acc  
manēre (= nōn abīre)

→ ||  
ad ḍōstium  
ad ḍōstium versus =  
adversus ḍōstium  
nōlī abīre! = manē!

pergere (= nōn dēsinere)  
colloquium -i n < colloquī

miet nec vāgiet, parentēs quoque bene dormient neque 45  
ab īfante vāgiente ē somnō excitābuntur. —

Iūlius adhūc in peristylō cum uxōre colloquitur. Aemilia fessa in sellā cōnsīdit. Marītus et uxor iam nōn dē tempore praeteritō colloquuntur, sed dē tempore futūrō. Sermō eōrum est dē rēbus futūris. 50

Iūlius, qui iam intellegit Aemiliam novum īfantem exspectāre, “Ō Aemilia!” inquit, “Mox parvulum filium habēbimus.”

Aemilia: “Filiū? Iam duōs filiōs habēmus. Ego alteram filiam habēre volō, plūrēs quam duōs filiōs nōlō! 55 Cūr tū filium habēre vīs, Iūli? Nōnne laetus eris, sī filiolam habēbis? Num parvulam filiam minus amābis quam filium?”

Iūlius: “Profectō laetus erō, sī alteram filiam habēbō. Nēminem magis amābō quam parvulam filiam.” 60

Aemilia: “Iam filiōs tuōs magis amās quam tuam Iūliam filiolam: Mārcum et Quīntum saepe laudās, sed Iūliam rārō laudās, quamquam proba est puella. Vōs virī filiōs modo habēre vultis, filiās nōn amātis!” Aemilia surgit atque gradum adversus ḍōstium facit. 65

Iūlius: “Manē hīc apud mē, Aemilia!”

Aemilia alterum gradum ad ḍōstium versus facit, tum incerta cōsistit.

Iūlius: “Nōlī abīre! Tēcum colloquī volō.”

Aemilia nōn abit, sed apud marītum manet. Coniu- 70 gēs colloquī pergunt. Ecce colloquium eōrum:

- Iūlius: "Nōs virī nōn filiōs tantum, sed etiam filiās habēre volumus, nec filiās minus amāmus quam filiōs. Certē mulierēs rārius ā liberīs suīs discēdunt..."
- 75 Aemilia: "Multae mātrēs īfantēs suōs apud nūtrīcēs relinquunt, ego vērō manēbō apud īfantem meum: numquam ab eō discēdam! Sī aeger erit, ipsa eum cū-rābō tōtamque noctem apud eum vigilābō; nēmō īfantem aegrū tam bene cūrāre potest quam māter ipsa."
- 80 Iūlius: "Nōnne ab īfante sānō discēdēs?"
- Aemilia: "Minimē! Bona māter semper apud īfantem suum manēre dēbet. Sīve īfāns valet sīve aegrōtat, māter ipsa eum cūrāre et alere dēbet — hoc est mātris officium!"
- 85 Iūlius: "Tūne ipsa īfantem tuum lacte tuō alēs?"
- Aemilia: "Profectō īfantem meum ipsa alam. Ego faciam officium meum! Neque sōlum diē, sed etiam nocte apud īfantem erō: semper cum eō dormiam."
- 90 Iūlius: "Quid? Nōs et īfāns in eōdem cubiculō dormīmus? Vix ūnam hōram dormīre poterimus, sī īfāns vāgiet. Sī tū et īfāns tuus in cubiculō nostrō dormiētis, ego profectō in aliō cubiculō dormiam, ubi ab īfante vāgiente nōn excitābor!"
- 95 Aemilia: "Ō Iūli! Ita loquitur homō quī officium suum nescit!"
- Iūlius: "Meum officium est pecūniām facere ac magnam familiālē alere, nōn cum īfante vāgiente cubāre! Somnus virō industriō necessārius est!"
- rārō *adv, comp* rārius,  
*sup* rārissimē
- minimē = certē nōn  
(discēdam)  
sī-ve ... sī-ve = sī ...  
vel sī  
dēbēre
- officium -ī *n:* mātris  
officium est = māter  
dēbet
- pot-erimus

pergere : loquī pergere  
plūra : plūra verba

ūnā cum = simul cum  
occurrere + dat:



Syra Aemiliae in ūstiō occurrit

silēre = tacēre

silentium -i n (< silēns)  
↔ sermō

ad-vehere

domum = ad domum  
suam  
re-vertī = red-ire

Aemilia ūrāta “Nōlī pergere!” inquit, “Plūra ā tē audire nōlō!” atque iterum ad ūstium versus ūre incipit. 100

“Manē, Aemilia!” inquit Iūlius, “Nōlī ita mē relinqueret!” sed illa adversus ūstium ūre pergit.

Tum vērō Syra, quae eō ipsō tempore peristylum intrat ūnā cum Iūliā, dominae in ūstiō occurrit. III

Aemilia ante Syram et Iūliam cōsistēns “Quid vultis?” inquit, “Cūr nōn manētis in hortō?” 105

Syra: “Quia mox imbre habēbimus: ecce caelum nūbibus ātrīs operītur. Sī in hortō manēbimus, ūmidae erimus. Vōs quoque ūmidī eritis, dominī, sī hīc in peristylō manēbitis.” 110

Iūlius caelum spectāns “Rēctē dīcis” inquit, “Illae nūbēs imbre afferent. Venīte mēcum in ātrium! Mox sōl rūrsus lūcēbit.”

Iūlius ātrium intrat; Aemilia eum sequitur ūnā cum Iūliā et Syrā. In ātriō Iūlius et Aemilia silentēs imbre in impluvium cadentem aspiciunt. Iūlia silentium parentum animadvertisit, et “Quid silētis?” inquit, “Estisne trīstēs? Ego vōs cōnsolābor!” 115

Aemilia: “Cōgitāmus dē... miserīs nautīs, quōrum officium est nāvigāre, sīve mare tranquillum sīve turbidum est. Multī nautae nunc in mare merguntur, dum rēs necessāriās ex terrīs alienīs in Italiam advehere cōnantur. Ō, miserōs nautās, qui numquam domum revertentur! Ō, miserōs liberōs nautārum, qui post hanc tempestātem patrēs suōs nōn vidēbunt!” 120  
125

Iūlia: "Ego laetor quod pater meus nauta nōn est et domī apud nōs manēre potest."

Iūlius, quī crās Rōmam ībit, "Nōn semper" inquit "mihi licet apud vōs manēre, Iūlia. Necesse est mihi 130 crās rūrsus ā vōbīs discēdere, nec vērō in terrās alienās ībō, ut nauta."

Iūlia: "Quō ībis, tata? Quandō revertēris? Ego et mamma tē sequēmur!"

Iūlius: "Quārē mē sequēminī? Rōmam proficīscar, 135 unde tertīō quōque diē revertar, sī poterō."

Iūlia: "Nōlī ā nōbīs discēdere! Vel sī necesse erit domō abīre, nōn modo tertīō quōque diē, sed cotīdiē ad nōs revertī dēbēs. Hoc postulō ā tē! Nōlō tē carēre, tata. Cotīdiē tibi occurram."

140 Iūlius: "Audīsne, Aemilia? Iūlia dīcit 'sē patre suō carēre nōlle', ergō mē nōn minus dīligit quam tē. Atque ego profectō filiam meam aequē dīligō ac filiōs. Nec alteram filiam minus dīligam."

Iūlia: "Quam 'alteram filiam' dīcis? Mihi soror nōn 145 est."

Iūliō silente, Aemilia "Nōnne gaudēbis, Iūliola" inquit, "sī parvulam sorōrem habēbis?"

Iūlia: "Sorōrem habēre nōlō! Nam sī sorōrem habēbō, ea sōla ā vōbīs amābitur, ego nōn amābor!"

150 Aemilia: "Certē tū nōn minus ā nōbīs amāberis: tū et parvula soror aequē amābimini."

Iūlia: "Sī aequē amābimur, laeta erō. Sed multō ma-

domī = in domō suā

crās = diē post hunc diem

vōs, abl vōbīs: ā vōbīs

ire: ībō ībimus  
ībis ībitis  
ībit ībunt

pot-erō

nōs, abl nōbīs: ā nōbīs

domō = ā domō suā

nōlle inf (< ne- + velle)  
= nōn velle  
diligere = amāre (ut parentēs liberōs suōs)  
aequē (ac) = nec magis  
nec minus (quam)

Iūliō silente = dum

Iūlius silet

Iūliola = parva Iūlia

*filiolus* -i m = *parvus*  
*filius*

*nōlumus* (< *ne-volumus*)  
= *nōn volumus*

*decēre* = *dignus esse*;  
*eam decet* = *eā dignus*  
*est, eī convenit*  
*nōl!* (*sg*)    *nōlite!* (*pl*)

*futūrum* (*fut*)

- |  |
|--|
| [1] <i>computā</i>   b   ō<br><i>computā</i>   b   is<br><i>computā</i>   b   it<br><i>computā</i>   b   imus<br><i>computā</i>   b   itis<br><i>computā</i>   b   unt |
| [2] <i>pārē</i>   b   ō<br><i>pārē</i>   b   is<br><i>pārē</i>   b   it<br><i>pārē</i>   b   imus<br><i>pārē</i>   b   itis<br><i>pārē</i>   b   unt                   |
| [3] <i>scrīb</i>   a   m<br><i>scrīb</i>   ē   s<br><i>scrīb</i>   ē   t<br><i>scrīb</i>   ē   mus<br><i>scrīb</i>   ē   tis<br><i>scrīb</i>   ē   nt                  |

gis laetābor, sī frātrem habēbō, mamma! Nōnne tū quoque laetāberis, tata, sī filiolum habēbis?”

Iūlius silet. Aemilia vērō, antequam Iūlia silentium patris animadvertis, “Nōlī dicere ‘tatam’ et ‘mammam’, Iūliola!” inquit, “Ea nōmina ā tē audire nōlumus. Ita loquuntur parvulī īfantēs, nec sermō īfantum tē decet. ‘Patrem’ et ‘mātrem’ dicere oportet.”

Iūlia: “Sī īfāns nōn sum, nōlite mē ‘Iūliolam’ vocāre! Id nōmen mē nōn decet. Mihi nōmen est ‘Iūlia’.”

Aemilia: “Rēctē dīcis, Iūlia. Tū igitur ā nōbīs ‘Iūlia’ vocāberis, et nōs ā tē ‘pater’ et ‘māter’ vocābimur.”

Iūlia: “Ita semper ā mē vocābimini, tata et mamma!”

## GRAMMATICA LATINA

165

### Verbī tempora

#### Tempus futūrum

Tempus praesēns: Diēs est. Sōl lūcet. Omnēs vigilant. Nēmō dormit. Avēs canunt.

Tempus futūrum: Mox nox erit. Sōl nōn lūcēbit, sed stellae lūcēbunt. Omnēs dormient. Nēmō vigilābit. Nulla avis canet.

Futūrum (pers. III): singulāris -bit -et, plūralis -bunt -ent.

[A] Āctūvum.

Exempla: [1] computā|re: computā|bit; [2] pārē|re: pārē|bit; [3] scrīb|ere: scrīb|et; [4] dormī|re: dormī|et.

175

Malus discipulus: “Ab hōc diē bonus discipulus erō, magister: numquam in lūdō dormiam, semper tibi pārēbō, bene computābō et pulchrē scrībam!” Magister: “Quid? Tūne bonus discipulus eris? Id fierī nōn potest! Crās rūrsus in lūdō dormiēs, male computābis, foedē scrībes, nec mihi pārēbis!” Crās discipulus tam malus erit quam hodiē est: in lūdō dormiet, male computābit, foedē scrībet, nec magistrō pārēbit.

180

Malī discipulī: "Ab hōc diē bonī discipulī erimus, magister: numquam in lūdō dormiēmus, semper tibi pārēbimus, bene 185 computābimus et pulchrē scribēmus!" Magister: "Quid? Vōs-ne bonī discipulī eritis? Id fierī nōn potest! Crās rūrsus in lūdō dormiētis, male computābitis, foedē scribētis, nec mihi pārēbitis!" Crās discipulī tam improbī erunt quam hodiē sunt: in lūdō dormient, male computābunt, foedē scribent, nec ma- 190 gistrō pārēbunt.

	<i>Sing.</i>	<i>Plūr.</i>	<i>Sing.</i>	<i>Plūr.</i>
<i>Persōna prima</i>	-bō	-bimus	-am	-ēmus
<i>Persōna secunda</i>	-bis	-bitis	-ēs	-ētis
<i>Persōna tertia</i>	-bit	-bunt	-et	-ent

## 195 [B] Passīvum.

Filius: "Ab hōc diē bonus discipulus erō. Ergō ā magistrō laudābor, nōn reprehendar." Pater: "Tū nōn laudāberis, sed reprehendēris ā magistrō!" Crās discipulus rūrsus ā magistrō reprehendētur, nōn laudābitur.

200 Filii: "Ab hōc diē bonī discipulī erimus. Ergō ā magistrō laudābimur, nōn reprehendēmur." Pater: "Vōs nōn laudābimini, sed reprehendēminī ā magistrō!" Crās discipulī rūrsus ā magistrō reprehendentur, nōn laudābuntur.

	<i>Sing.</i>	<i>Plūr.</i>	<i>Sing.</i>	<i>Plūr.</i>
<i>Persōna prima</i>	-bor	-bimur	-ar	-ēmur
<i>Persōna secunda</i>	-beris	-bimini	-ēris	-ēminī
<i>Persōna tertia</i>	-bitur	-buntur	-ētur	-entur

## 205

## PENSVM A

Mox novus īfāns in cūnīs Aemiliae er-. Aemilia rūrsus īfantem hab-. Tum quattuor liberī in familiā er-. Iūlius et Aemilia quattuor liberōs hab-. Aemilia īfantem suum am-. Iūlius et Aemilia īfantem suum aequē am-. Annō post īfāns prīma verba disc- et prīmōs gradūs faci-. īfāns ambulāns ā parentibus laud-.

Aemilia: "Ego īfantem meum bene cūr-: semper apud eum man-, numquam ab eō discēd-." Iūlius: "Certē bona

[4]	dormi a m	dormi ē s	dormi e t
	dormi ē mus	dormi ē tis	dormi e nt
	esse erō erimus	eris eritis	erit erunt

[1,2]	-b ō	-b imūs
	-b is	-b itis
	-b it	-b unt
[3,4]	-a m	-ē mus
	-ē s	-ē tis
	-e t	-e nt

laudā b or	
laudā b eris	
laudā b itur	
laudā b imūr	
laudā b imini	
laudā b untur	
reprehend a r	
reprehend ē ris	
reprehend ē tur	
reprehend ē mur	
reprehend ē minī	
reprehend ē ntur	

[1,2]	-b or	-b imūr
	-b eris	-b imini
	-b itur	-b untur
[3,4]	-a r	-ē mur
	-ē ris	-ē minī
	-ē tur	-ē ntur

*Vocabula nova:*  
 īnfāns  
 cūnae  
 somnus  
 lac  
 mulier  
 nūtrīx  
 gradus  
 sermō  
 filiola  
 filiolus  
 colloquium  
 officium  
 silentium  
 parvulus  
 necessārius  
 aliēnus  
 futūrus  
 ūmidus  
 fari  
 carēre  
 postulāre  
 vāgire  
 alere  
 colloqui  
 volō  
 vis  
 volumus  
 vultis  
 manēre  
 pergere  
 cūrare  
 dēbēre  
 occurrere  
 silēre  
 advehere  
 revertī  
 diligere  
 decēre  
 nōlle  
 domō  
 mox  
 magis  
 rārō  
 crās  
 adversus  
 ad... versus  
 nōli nōlite  
 sive... sive  
 profectō  
 minimē  
 ūnā cum

māter er-, Aemilia: īfantem tuum ipsa cūr- nec eum apud nūtrīcem relinqu-." Aemilia: "Etiam nocte apud īfantem er-, semper cum eō dorm-. Nōs et īnfāns in eōdem cubiculō dorm-." Iūlius: "Nōn dormiēmus, sed vigil! Nam certē ab īfante vāgiente excit!" Aemilia: "Ego excit-, tū bene dormi- nec excit-!"

### PENSVM B

Parvulus puer quī in — iacet — appellātur. īnfāns quī cibō — magnā vōce —. Nōn pānis, sed — cibus īfantium est. Nūtrīx est — [= fēmina] quae nōn suum, sed — īfantem —. Multae mātrēs īfantēs suōs ipsae alere —.

Maritus et uxor iam nōn dē tempore praeteritō —, sed dē tempore —. Aemilia: "Cūr tū filium habēre —, Iūli? Ego alteram filiam habēre —, plūrēs quam duōs filiōs — [= nōn volō]. Vōs viri filiōs tantum —! Filiōs — diligitis quam fīliās!" Iūlius — [= tacet]. Aemilia īrāta — adversus ostium facit, sed Iūlius "— hīc apud mē!" inquit, "— discēdere!" Aemilia manet ac loquī: "Bona māter apud īfantem suum manēre —, hoc mātris — est. Nēmō enim īfantem melius — potest quam māter ipsa."

### PENSVM C

Ubi parvulus īnfāns cubat?  
 Quid facit īnfāns quī cibō caret?  
 Quid est cibus īfantium parvulōrum?  
 Num omnēs īfantēs ā mātribus suīs aluntur?  
 Quae sunt prīma verba īfantis?  
 Quandō Aemilia novum īfantem habēbit?  
 Cūr Aemilia ā marītō suō discēdere vult?  
 Cūr Iūlius in aliō cubiculō dormire vult?  
 Quid Aemilia officium mātris esse dīcit?  
 Cūr Syra et Iūlia in hortō nōn manent?  
 Cūr Iūlia sorōrem habēre nōn vult?